

11 Oktober 2012

Jaargang 5 – Uitgawe 36

## In hierdie uitgawe

- Voorblad
- Beroepe en standplase
- Predikante en gemeentes
- Ander nuus
- Agterblad



Teken in op die e-Hervormer en ontvang elke uitgawe gratis per e-pos!

• Stuur 'n e-pos aan [karen@nhk.co.za](mailto:karen@nhk.co.za)

Nuus, berigte en kort kommentaar (uiters 100 woorde) aan [produksie@nhk.co.za](mailto:produksie@nhk.co.za)



## Skakels

Webblad van die Hervormde Kerk [www.nhka.org](http://www.nhka.org)

Die Hervormer [www.hervormer.co.za](http://www.hervormer.co.za)

e-Hervormer

[www.hervormer.co.za/e\\_Hervormer.html](http://www.hervormer.co.za/e_Hervormer.html)

Indien u nie weer die e-Hervormer wil ontvang nie, klik op [www.hervormer.co.za/cancel.html](http://www.hervormer.co.za/cancel.html)

## VOORBLAD

### 'n Teologie vir jongmense

**Die Reformatoriese tradisie bied vir jongmense 'n geestelike tuiste by Christus en in die Skrif, maar leer hulle tegelykertyd om krities te bly.**

Die Gereformeerde Protestantisme het ontwikkel as 'n stroming naas ander strominge soos die Lutherane, Rooms-Katolieke en Anglikane. 'n Gereformeerde kerk is 'n Christelike kerk, dit wil sê, 'n kerk onder haar hoof, Jesus Christus. Christus is verhoog in die hemel, maar tegelyk by sy kerk op aarde aanwesig.

Gereformeerde kerke was daarom van oorsprong af ekumenies ingestel: Een van die belangrikste belydenisskrifte is vir 'n groot deel deur 'n Lutheraan opgestel (die Heidelbergse Kategismus). Wanneer 'n nuwe geloofsbelydenis opgestel word, word daar nie gesoek om die eie kerk te verdedig nie, maar word daar saam met andersoortige kerke gesoek na die waarheid van die evangelie. Dit gaan om die belydenis van Christus as Hoof van die kerk en as Heer.

Wat hou die term *Reformatories* of *Gereformeerde* in? Dié aanduiding beteken *vernuwend*, en is 'n onderdeel van 'n langer sin: Gereformeerde beteken *vernuwend volgens en deur die Woord van God*. Die Woord van God is die norm van die vernuwing, maar ook die veroorsaaker van die vernuwing. Deur die Woord van God word die kerk geskape, en deur dieselfde Woord word die kerk telkens weer nuutgemaak.

Die Gereformeerde tradisie en vormgewing van die kerk kan daarom nie as afgehandel beskou word nie. Dit geld die geloofsbelydenis, die manier waarop die kerk bestuur word en die invulling van die erediens. Die kerk moet telkens van voor af deur en ooreenkomstig die Woord nuutgemaak word.

Die Gereformeerde tradisie gaan daarvan uit dat God deur sy Woord tot ons praat. Die Skrif is daarom nie alleen 'n historiese dokument nie, maar die Woord waarmee die Here ook in die hede praat en waarmee Hy in sy gemeente en in die lewe van gelowiges werk. Die gelowiges het ontsag vir hierdie spreke van die Here, en laat hulle daardeur in gehoorsaamheid lei.

Die Reformatoriese tradisie is derhalwe by uitstek geskik as 'n teologie vir jongmense. Hierdie tradisie is naamlik nie gerig op die handhawing van homself nie, maar soek in elke tydsgewrig na die eer van God. Die inkleding van die erediens, die geloofsbelydenis, die riglyne vir die daaglikse lewe kan nie deur die tradisie bepaal word nie, maar moet telkens weer deur die eerbiedige luister na die spreke van God in sy Woord gesoek word. Die Reformatoriese tradisie bied vir jongmense 'n geestelike tuiste by Christus en in die Skrif, maar leer tegelykertyd die jongmense om krities te bly ten opsigte van hul eie tradisie en ten opsigte van die wêreld waarin hulle leef.

'n Bykomende voordeel is dat die Gereformeerde tradisie reeds ervaring opgedoen het oor hoe om in 'n tyd van sekularisasie en kritiek op die Christelike geloof tog die Here te bly dien. Gereformeerdes word al vir 'n lang tyd vervolgd en teen gediskrimineer.

Van hul oorsprong af is hulle gewoon daaraan om vanuit 'n gemarginaliseerde posisie en terwyl hulle openlik bespot word, Christus te dien. Selfs al verloor hulle gereeld hul poste of hul lewens, bly hulle bereid om God en die samelewing te dien. Hierdie manier van doen help jongmense om in belangrike poste hul werk getrou te doen sonder om verbitterd te raak oor die aanvalle op hul Christelike geloof.

(Die e-Hervormer plaas hierdie artikel met die vriendelike vergunning van **ds Mattjis J Schuurman**, Hervormde Gemeente Oldebroek, Nederland. Die volledige artikel is oorspronklik gepubliseer in *Confessioneel* (124de jaargang, nr 16 – 6 September 2012). Die volledige artikelreeks waarvan dit deel vorm, is in Nederlands beskikbaar by <http://mjschuurman.wordpress.com/>.)



## BEROEPE EN STANDPLASE

Kontak die webbladredakteur, prof Ernest van Eck, by [ernest.vaneck@up.ac.za](mailto:ernest.vaneck@up.ac.za) om vakante standplase op die Kerk se amptelike webblad by [www.nhka.org](http://www.nhka.org) te plaas. Onthou asseblief dat 'n standplaas eers vakant verklaar moet wees voordat dit geadverteer mag word. Kontak dr Frikkie Labuschagne by 012 322 8885 x256 in dié verband.



Ds Marius Bacon

### Beroep aanvaar

- **Ds Marius Bacon** van El-Flora na Warmbad

### Vakante standplaas

- **Gemeente Hendrina** in Mpumalanga beskik tans oor 'n **vakante deelsorg/deeltydse standplaas** (afhangende van die kandidaat). Die kerkraad het die proses begin om 'n beroep uit te bring. Enige belangstellende predikant of proponent kan 'n CV **voor 20 Oktober 2012** stuur aan die skriba, Johan Beetge, by [hendrinameule@vodamail.co.za](mailto:hendrinameule@vodamail.co.za), of aan die kassier, Wessel Swart, by [WSwart@roshcon.co.za](mailto:WSwart@roshcon.co.za). Die kerkraad is egter nie verplig om vir enige van die aansoekers 'n beroep aan te bied nie.

## PREDIKANTE EN GEMEENTES

Stuur asseblief berigte oor lief en leed aan [produksie@nhk.co.za](mailto:produksie@nhk.co.za).

- Ds Hein Kloppers van gemeentes Krugersdorp-Oos en Noordrand se vader, **Danie Kloppers**, is Maandag 8 Oktober oorlede. Hy het breinkanker gehad. Mnr Kloppers was lank as skriba betrokke by **Gemeente Koster**. Die begrafnisdiens vind op Donderdag 11 Oktober om 14:00 vanuit Gemeente Koster plaas, met die teraardebestelling daarna op die plaas. Ons innige simpatie gaan aan di Hein en Anna-Marie Kloppers en hul familie.
- Tydens die **MRCC** se 12de Algemene Kerkvergadering van 1 tot 4 Oktober in Port Shepstone, KZN, is **prof Matsobane Jacob Manala** van UNISA (Praktiese Teologie) en Gemeente Mamelodi-Oos verkies tot Moderator vir die volgende drie jaar. Baie geluk aan prof Manala!
- Gemeentes word vriendelik daaraan herinner dat die huidige boekjaar van die **Bybelgenootskap** op **31 Oktober** sluit. Bydraes aan die Bybelgenootskap moet die Bybelgenootskap dus voor 31 Oktober bereik om in die verslae aan die ringsvergaderings en AKV van 2013 gereflekteer te kan word. **Alle gemeentes in die RSA** word daaraan herinner dat bydraes asseblief direk oorbetal moet word aan die Kempton Park Administratiewe Sentrum **en nie** aan enige ander Streekkantoor van die BSA of die ring of die Raad van Finansies nie. Gemeentes moet hul eie donateursnommer (soos wat dit in die gereelde finansiële state verskyn) as verwysing gebruik. **Let asseblief daarop dat daar nuwe nommers toegeken is aan 'n aantal gemeentes wat voorheen vanuit Bloemfontein bedien is maar in Gauteng, Mpumalanga of Noordwes geleë is. Moet asseblief nie die ou nommers gebruik nie.** Die BSA se bankbesonderhede is soos volg: Bybelgenootskap van Suid-Afrika, ABSA Kempton Park, takkode 632 005, rekening nommer 260 220 748. Bevestig alle inbetalings per faks by 011 970 2506, of per e-pos aan [nortje@biblesociety.co.za](mailto:nortje@biblesociety.co.za). Die **bydraemikpunt** vir vanjaar is steeds **R35** per belydende lidmaat.
- **NHSV: Beurse en lenings vir 2013.** Die NHSV beskik oor beurse/lenings vir studente in enige studierigting. Slegs lidmate van die Hervormde Kerk kwalifiseer vir die toekennings. Die lenings/beurse wissel van R2 000 tot R6 000. Aansoekvorms kan afgelaai word by die nuwe webadres [www.nhsv.org.za](http://www.nhsv.org.za), onder NHSV

Bydraes vir maandelikse plasing in die *e-Hervormer* moet asseblief teen Dinsdaemiddae 16:00 **OP DIE LAATSTE** na [produksie@nhk.co.za](mailto:produksie@nhk.co.za) gestuur word.



Prof Jacob Manala



kantoor, pro-forma dokumente. Die sluitingsdatum vir aansoeke is **15 November 2012**. **Geen laat aansoeke word aanvaar nie.**

- **Die Hervormer** was oor die jare 'n belangrike voertuig vir **teologiese debat** in die Hervormde Kerk. Dit is steeds die geval, soos blyk uit die artikels wat oor die afgelope jaar of wat op die voorblad of onder die hofie *Teologiese gesprek* geplaas is, en die lewendige briefwisseling onder *Gespreksforum*. Aangesien enige gedrukte publikasie noodwendig die beskikbare spasie beperk, en die gedrukte weergawe van *Die Hervormer* ook net een maal per maand verskyn, het SENTIK die inisiatief geneem om 'n **aanvullende ruimte vir teologiese meningswisseling** te skep: Die **webblad** van *Die Hervormer* bevat nou ook 'n webportaal **Teologiese gesprek**, en die eerste drie artikels is die afgelope week daar geplaas. Die eerste is 'n artikel van dr Johann Beukes (Weltevreden), *Die Hervormde Kerk in 'n krisis*, waarin hy aansluit by die artikel van dr Daan van Wyk (jr) in Oktober se uitgawe van *Die Hervormer* (bladsye 6-7). Die tweede is prof Theuns Dreyer (emeritus) se inleiding tot die onlangse teologiese tafelgesprek, getitel *Die betekenis van die opstanding vir die prediking*. Die derde artikel, van ds Ockie van Schalkwyk (studeer verder), is getitel *Inleiding tot 'n gesprek oor Fatherless in Galilee*.

Ampsdraers en lesers van ons kerklike publikasies is **welkom om** langs die gewone weg **artikels vir publikasie voor te lê**. Stuur asseblief u bydraes aan dr André Ungerer, redakteur van *Die Hervormer*, vir oorweging deur die redaksie. Dui ook aan indien u spesifiek versoek dat u bydrae óf elektronies óf in gedrukte formaat moet verskyn. Bydraers moet in gedagte hou dat artikels vir die gedrukte koerant steeds net 'n beperkte getal woorde kan bevat (verkieslik nie meer as 500-600 woorde nie). Verder kan SENTIK ongelukkig nie elektroniese bydraes taalversorg voor plasing nie, en bly die verantwoordelikheid vir spelling, tikfoute en bladuitleg volledig dié van die outeur.

- **Gemeentes** moet hul **bestellings vir die kerklike tydskrifte** asseblief **teen 1 November** aan mev Susann van Zyl stuur by [sentik@nhk.co.za](mailto:sentik@nhk.co.za) of faks 086 633 4054. Die pryse vir 2013 is soos volg: *Konteks* 10 uitgawes teen R150 (R18 per individuele eksemplaar), *Die Hervormer* 11 uitgawes teen R110 (R12 per individuele eksemplaar), en die *Almanak/Bybelse Dagboek* teen R120.
- **Individue** wat reeds ingeteken is om die **kerklike tydskrifte** te ontvang, moet asseblief aandui of hul intekenings hernu moet word. Dit sal nie outomaties voortgaan sonder dat u bevestig nie. Kontak mev Van Zyl asseblief **ook voor 1 November** daarvoor.
- Talle van die Kerk se **emeriti** wil graag die **kerklike tydskrifte** (*Konteks* en *Die Hervormer*) en die *Almanak/Bybelse Dagboek* ontvang maar kan dit nie bekostig nie. Lesers wat bereid is om 'n **bydrae** te maak sodat die publikasies gratis aan emeriti voorsien kan word, kan hul bydrae inbetaal by die volgende bankrekening: Raad van Finansies; ABSA; tjekrekening nommer 020-000-287; takkode 632-005; verwysing SENTIK-EM.
- Die **13de preekskets**, deur **ds Willie Botha**, is op Woensdag 10 Oktober aan predikante gestuur; dié preekskets handel oor Romeine 15: 7-13. **Lidmate** kan gaan na [www.nhk.co.za](http://www.nhk.co.za) (of [www.nhka.org](http://www.nhka.org)) → So werk ons → Toerusting → In Christus se voetspore vir agtergrondinligting en 'n paar vrae oor die betrokke teksgedeelte wat gesprek in die gemeente kan stimuleer.
- **Borg kilometers en help ons bejaardes**. Die GROOT stap is agter die rug! Magda van Deventer en Avriane Maritz het die beoogde pelgrimstog in Spanje suksesvol voltooi. Hulle berig dat dit 'n onvergeetlike ervaring was. Aan almal wat kilometers geborg het of steeds 'n bydrae wil maak, sê die **Aksiegroep vir Bejaardes (AGB)** hartlik dankie. Die geld kan nou in die volgende rekening inbetaal word:







Raad van Finansies; ABSA; tjekrekening nommer 020 000 287; takkode 632 005; verwysing: 16SPES + u naam.



- **AKSIEGROEP VIR BEJAARDES: 'n Wenk vir bejaardesorg**  
Kyk saam met die bejaardes na hul tuine om vas te stel of daar skuilplekke soos digte struik is waar aanvallers kan skuil. Help hulle om hul tuin en omgewing te beveilig. Vir meer inligting oor bejaardesorg, kyk by [www.diakens.co.za](http://www.diakens.co.za).
- Die **Studentegemeente Philadelphia** beskik oor 'n **vakante pos** vir 'n **Gemeentebestuurder**. Die gemeentebestuurder staan die predikante by in die praktiese uitvoering van die aktiwiteite van die gemeente oor die algemeen, maar is ook verantwoordelik vir die implementering van die jaarlikse gemeentepan. Die gemeentebestuurder moet 'n logiese, sistematiese, praktiese en planmatige persoon wees wat natuurlik en gemaklik in spanverband kan werk. Dit is kritiek belangrik dat die gemeentebestuurder 'n taakgeoriënteerde, uitsetgerigte en selfgedrewe persoon moet wees wat eie inisiatief kan neem om take volledig af te handel. Die pos vereis dat die betrokke persoon oor die volgende vaardighede beskik: die vermoë om komplekse take te koördineer, goeie kommunikasievermoë, sterk administratiewe vaardighede en goeie beplanningsvermoë. 'n Mededingende pakket word aangebied. **Sluitingsdatum vir aansoeke is 15 Oktober 2012**. Stuur u CV na [philadelphia@nhk.co.za](mailto:philadelphia@nhk.co.za).
- **Gemeente Ottosdal** benodig 'n gekwalifiseerde **orrelis**. CV's kan gefaks word na 086 632 8148 of per e-pos gestuur word na [ottosdal@nhk.co.za](mailto:ottosdal@nhk.co.za). Navrae aan die gemeentelike kerkkantoor by 018 571 0200. **Sluitingsdatum vir aansoeke 16 Oktober 2012**.
- **Preekbeurt in Dullstroom**. Predikante kan by Gemeente Dullstroom preek en gratis verblyf vir die naweek kry. Die gemeente bied gratis verblyf vir 'n **predikant en sy/haar gade** in ruil vir die gratis preek; **een** voorskoolse kind kan gehuisves word. Daar word voorsien vir **twee nagte**; indien u 'n ekstra nag wil oorbly en ekstra mense bring, moet u dit **vooraf** met Jan Bette by 073 790 3357 bespreek; die derde nag en ekstra mense is op u eie koste. Kontak Johanna by 072 116 3353 of [nhkdullstroom@yahoo.com](mailto:nhkdullstroom@yahoo.com).
- **Gemeente Witfield** het 'n skenking ontvang van drie skaalmodel ossewaens wat hulle graag te koop wil aanbied om kerkfondse aan te suiwer. Die volgende **3 pragtige 100% skaalmodel ossewaens (1/10de skaal) is te koop @ R1 500 stuk**:
  1. Kaalwa – sonder tent
  2. Voltentwa – Nagmaalwa
  3. Halftentwa – helfte van wa bedek met tent (transportwa)Elke wa beskik oor 'n domkrag en 'n skaalmodel van 'n driepootpot. Die voltentwa het ook 'n skaalmodel van 'n verebed in. Elke wa het remme wat werk met 'n slinger. Kontak ds Theo Janse van Nieuwenhuizen by 083 232 5101 of 011 826 4017.

### Spesiale eredienste en feesnaweke

- **Optrede van leerders van Prinshofskool en Transoranje-skool se gebaretaalkoor**  
**Sondag 28 Oktober om 08:00: Gemeente Midrand**  
Navrae aan ds Paula Eksteen-Erasmus by 011 702 3046 of 083 282 5121
- **Gemeente Swartkop: Sondag 28 Oktober: Nagmaaldiens**  
Herdenking van 40-jarige bestaan  
Gelei deur ds David Barnard, lank predikant in die gemeente  
Oudpredikante sal die tafels bedien  
Navrae aan Hannelie Beytell by 012 654 3471 of [nhswkop@telkomsa.net](mailto:nhswkop@telkomsa.net)



- **Gemeente Dullstroom: 2-4 November**  
**Viering van 125ste bestaansjaar**  
(Gestig 2 November 1887)  
Oudlidmate, oudpredikante en konsulente  
kan foto's/ervarings/gelukwensings stuur  
Almal welkom om saam te kom feesvier  
Navrae aan Johanna Pieterse by 072 116 3353
- **Gemeente Glencoe: Vrydag 7 Desember: Tyd later bekend**  
Buitediens op walle van die Wasbankrivier, distrik Glencoe,  
waar die Geloofte die eerste keer afgelê is  
Kliplegging na die diens  
Almal welkom  
Bring 'n klip van jou omgewing saam met die naam van jou gemeente  
Kontak ds Pieter Bester by 082 899 6564 / 034 212 1815  
[pieterbester@telkomsa.net](mailto:pieterbester@telkomsa.net)

### **Predikanteverjaardae**

- **Die volgende predikante verjaar tot 19 Oktober, en word hartlik geluk gewens.**
  - o Donderdag 11 Oktober: Ds Hennie Breedt (emeritus)
  - o Vrydag 12 Oktober: Di Gert Macdonald (Nelspruit), Barrie Oberholzer (Zeerust) en Milankie van der Walt (Namib-Suid)
  - o Saterdag 13 Oktober: Ds Elmien Oosthuizen (Polisiekapelaan Pietersburg)
  - o Sondag 14 Oktober: Prof Adriaan Neele (Eben Haëzer in Pretoria)
  - o Dinsdag 16 Oktober: Ds Sonia van Wyk (beroepafwagtend)
  - o Woensdag 17 Oktober: Prof Jan Barkhuizen (emeritus)
  - o Donderdag 18 Oktober: Di WP Prinsloo (emeritus), Kiewiet van Deventer (Malelane) en Johan van Staden (Sionspoort)
  - o Vrydag 19 Oktober: Ds Hein Kloppers (Krugersdorp-Oos/ Noordrand)

### **Bepaalde vergaderings**

- Donderdag 11 Oktober: Buitengewone Kuratoriumvergadering  
Buitengewone vergadering Kommissie van AKV
- Vrydag 12 Oktober: Buitengewone vergadering Kommissie van AKV
- Maandag 15 Oktober: Raad vir SENTIK  
Ledevergadering To Care
- Woensdag 17 Oktober: Finkom van die Kinderhuise  
Raad vir Regsadvies
- Vrydag 19 Oktober: Finkom van die Ondersteuningsraad
- Saterdag 20 Oktober: NHSV Hoofbestuur

### **Kursusse en toerusting**

- **Gemeente Montana: Huweliksvoorbereidingskursus**  
**Vier weeksaande 15 to 18 Oktober 19:00 tot 21:00**  
hv Jan Bantjies- en Azanzastraat, Montana  
R50 per paartjie  
Vir alle voornemende egpare van alle ouderdomme  
Bespreek by ds Thinus van Staden, 084 589 7035  
of [wysmydieson@gmail.com](mailto:wysmydieson@gmail.com)



- **Gemeente Glencoe: Toerustingskursus: Saterdag 20 Oktober**  
**Op reis – ’n dienswerkreistas**  
Deur ds Hannes Janse van Rensburg van Zuurfontein  
Registrasie 08:00, kursus begin om 09:00  
Koste R60  
Kontak ds Pieter Bester by 082 899 6564 / 034 212 1815  
[pieterbester@telkomsa.net](mailto:pieterbester@telkomsa.net)
- **Ring van Oos-Kaapland: Predikantewelstand: 23-26 Oktober**  
Wilgerfontein-wildsplaas, Oos-Kaap  
Veilige ruimte waar jy oor alles kan praat wat in jou lewe en bediening gebeur  
Terapeut/mentor is byderhand met wie jy met vrymoedigheid kan praat  
Geleentheid om alleen met die Here tyd deur te bring  
Herontdek jou krag en skep nuwe drome  
Daarop gerig om ons Kerk se predikante te verryk  
en binne ’n ondersteuningsnetwerk te motiveer  
Navrae aan dr Johan Nel 083 400 0267 of ds Danie Taljard 082 901 2021
- **Gemeente Pretoria: Woensdag 31 Oktober vanaf 09:00**  
**39ste Kongres van die Kerkhistoriese Genootskap**  
Tema: *Die Godsbegrip – Reformatoriese perspektiewe*  
Opening deur prof SJ Botha  
Prof IWC van Wyk (AIM): *‘Die eerste gebod en die God van die eerste gebod’ met verwysing na Philipp Melanchthon en Zacharias Ursinus*  
Prof CFC Coetzee (Noordwes-Universiteit): *Die Godsbegrip soos dit deur die Heidelbergse Kategismus begrond en bely word*  
Ledevergadering 11:30-12:00  
Afsluiting 12:00  
Uitstalling van gedenkpenninge en historiese munte  
Navrae aan dr JMG Storm (083 308 1030 / [nhmeyerspark@lantic.net](mailto:nhmeyerspark@lantic.net))  
of dr Christo Pretorius (083 651 9634 / [praetorc@telkomsa.net](mailto:praetorc@telkomsa.net))
- **Voortgesette Teologiese Toerusting vir Predikante (VTT)**  
**Dinsdag 6 en Woensdag 7 November**  
Tema: *Missionale Diakonaat. Saam in diens met verstand, hart en hand*  
By Gemeente Wapadrant  
Koste **R320** per persoon  
Verwittig mev Betsie Brits **voor 22 Oktober** van bywoning  
Per e-pos ([betsie.brits@up.ac.za](mailto:betsie.brits@up.ac.za)) of per faks (012 420 4303)  
Registrasiefooi verkieslik vooraf elektronies of per bankdeposito  
Kerkgeld vir Kerkwerk; ABSA; rekening nommer 020 149 752; kode 63 20 05  
Verwysing 2013K VTT (gevolg deur naam van kursusganger)

### Beskikbare behuising

- **Ons Tuis (Riviera)**  
**Tehuis vir versorging van verswakte bejaardes het tans plek beskikbaar**  
Volledige versorgingsfasiliteit wat insluit:
  - o 24-uur mediese versorging
  - o 3 maaltye per dag
  - o Sekuriteit
  - o Gereelde sosiale aktiwiteiteVir meer besonderhede, skakel matrone E Mans by 012 329 3623  
Aansoekvorms kan afgetrek word van [www.otmt.org](http://www.otmt.org)  
of kontak H Fourie by 012 325 1857 om aansoekvorms te stuur
- **Andries-Marié Oosthuizen Monumenttehuis (Parys)**  
**Behuising vir seniorburgers**  
Daar is tans die volgende behuising beskikbaar:



## **MET VERSORGING**

1 dubbelkamer (verkieklik 'n egpaar) – 24-uur-versorging

Koste per persoon R5 500 per maand

(sluit in 3 etes per dag, wasgoed en kamer skoonmaak), opnamefooi R3 000

## **SELFVERSORGING**

o A-gang: 1 enkelkamer, R3 050 per maand

(ingesluit 3 etes, wasgoed en kamer skoonmaak 1 x per week)

o B-gang: 1 dubbelkamer (egpaar) – R3 050 per persoon

(ingesluit 3 etes, wasgoed en skoonmaak van kamer 1 x per week)

o H-gang: 1 ruim kamer met eie badkamer, stoepie en tuintjie

(ingesluit middaget) – R3 000 per maand

Eenmalige opnamefooi van R3 000

Ondersteunende dienste beskikbaar

**Kontak matrone Alet Botha by 056 811 2185 vir meer besonderhede**

## **Konserte en feeste**

- **Vrydag 26 Oktober om 19:00: Gemeente Rooihuiskraal**

Mathys Roets as deel van gemeente se Dankoffermaand

Toegang gratis

Kosverkope vanaf 17:00 by kerkgebou

hv Konstantyn- en Santiestraat, The Reeds, Centurion

Plaas asseblief vooraf bestellings vir etes

Geen plekbesprekings vir die vertoning nie – neem van 18:00 af plekke in

Navrae aan Erika of Karen by 012 657 1281 (Ma-Vry 09:00-12:30)

- **Sondag 4 November om 16:00: Gemeente Pretoria-Oos**

**Songs of Praise** met Richard Cock

hv Dely- en Matroosbergweg, Waterkloofpark

Ter viering van gemeente se 60ste bestaansjaar

Eddie Davey, Pieter van den Berg, Laerskool Constantiapark,

Laerskool Pretoria-Oos

Kaartjies slegs by gemeentelike kerkkantoor beskikbaar

Skakel 012 460 8441 gedurende kantoorure

Kontak 012 460 8441 / 072 041 3954 met navrae

## **Sportbyeenkomste**

- **Vrydag 23 November: Gemeente Vaalpark: Gholfdag**

12de jaar!

Emfuleni-gholfbaan, Vanderbijlpark

R1 400 per 4-bal (sluit in baanfooi en aandete)

Spelers wat onder die eerste 30 eindig (hoogste punte), kwalifiseer vir 'n prys

Kontak Danie le Roux by 082 816 8453 of Johann Hugo by 082 920 9455

## **Kompetisies en fondsinsamelings**

- **Gemeente Brits: Boufondsversoek**

Dra by tot die gemeente se boufonds

SMS **KERK** na **48716** en dra R10 by

Fondse word gebruik om die geboue te herstel

Meer as een SMS is baie welkom

Navrae aan ds Kobus Celliers by 012 252 0158

- **Gemeente Hartebeeshoek: Fotokompetisie**

Tyd om kameras op te neem en te begin soek na **VOETE** en/of **SKOENE**

Tema: *In sy voetspore*

Reëls en voorwaardes geld

Goeie pryse met professionele beoordeling

Kontak Theresa Oosthuizen by [theresa@northernfoods.co.za](mailto:theresa@northernfoods.co.za)



- **Gemeente Horison Roodepoort: Naweek van 26-27 Oktober**  
Liturgiese blommeskou by die kerk  
Alle blommerangskikers word genooi om in te skryf  
Vir meer inligting of 'n inskrywingsvorm, kontak Hannie Cripps by 084 549 4102
- **Gemeente Kampersrus: Vakansiekompetisie**  
**Trekking: 27 Oktober**  
Wen naweek ter waarde van R28 000  
3 nagte verblyf vir 2 persone in 5-ster Kapama Lodge  
(alle etes asook wildritte ingesluit)  
Olifantritte, lugballonrit, spabehandeling in hartjie van Bosveld  
Besoek aan Cheetah-projek in Hoedspruit  
R2 000 sakgeld  
Kaartjies R100 elk  
Navrae aan ds Marius Kramer by 083 310 6042  
of by gemeentelike kerkkantoor [kampersrus@nhk.co.za](mailto:kampersrus@nhk.co.za)

## Basaars en markte

- **Vrydag 26 Oktober vanaf 09:00: Gemeente Piet Potgieter op Potgietersrus**  
**Jaarlikse Kersmark**  
Unieke Kersgeskenke en 'n middag- en aandete  
Gebak en speletjies vir die kinders  
Skakel Anna by 084 580 7050
- **Saterdag 27 Oktober: Gemeente Kempton Park-Oos**  
**Bosveld Kontreifees**  
09:00 tot 17:00  
Verskeie uitstallers, kosstalletjies, pret vir kinders, potjiekoskompetisie  
Mnr & Mej Kontreifees  
Gaskunstenaar Thys die Bosveldklong om 14:00  
Toegang R10 per persoon  
Kontak ds Anneline Geyer by 082 924 7344
- **Vrydag 2 November: Gemeente Benornyn: Kers-nagmark**  
17:00 tot 21:00  
hv Struben- en De Miststraat, Rynfield, Benoni (langs Linmed-hospitaal)  
Pannekoeke, boereworsrolle, vetkoeke, kerrie-en-rys, skaappotjie  
(bestel vooraf vir die potjie)  
Koop al jou Kersversierings en geskenke by ons!  
Kinders, kom gooi jul briefies vir Kersvader in ons posbus  
Kom geniet aand onder die sterre  
Navrae en kosbestellings aan ds Marlize Gasson by 072 117 0317  
of 011 849 1179
- **Saterdag 3 November en elke eerste Saterdag van die maand daarna**  
**Gemeente Rustenburg: Gesinsmark**  
09:00 tot 15:00  
By tweede kerkterrein te Rhenosterfontein, buite Rustenburg  
Slegs handgemaakte produkte, vars produkte uit die grond  
en items wat Trots Suid-Afrikaans is  
Gaskunstenaars, aktiwiteite en stalletjies wat kinders betrek  
Nog enkele stalletjies beskikbaar  
Vir meer besonderhede, kontak Mari by 084 208 7445

## ANDER NUUS

- **VAKATURES VIR ONDERWYSPOSTE**  
Privaatskool met 210 leerlinge  
100 km noord vanaf Polokwane, Alldays-rigting



1. Onderwyser in Engels (Tweede Taal) grade 8-12
2. Onderwyser in Wiskunde  
Basiese onderwyskwalifikasies – Wiskunde vir graad 12

**Aanvangsdatum: Januarie 2013**

*Posvereistes:*

- Erkende onderwyskwalifikasie noodsaaklik; matriekondervinding sal voordeel wees
- Bewese ondervinding in aanbidding van die vakke
- Beginselvaste, belydende lidmaat van een van dié 4 Kerke: Hervormd, Gereformeerd, NG, APK
- Getuigskrif van predikant
- Onderrig in Afrikaans

Verblyfeenhede op perseel vir gebruik van personeel

Wanneer alle eenhede vol is, sal ander verblyf gereël word

Stuur CV en getuigskrif van predikant na [global@workforceworldwide.com](mailto:global@workforceworldwide.com)

- **ONDERSTEUNINGSRAAD PLEEGKAMP 2012.** Die Ondersteuningsraad het die afgelope skoolvakansie hul **13de kamp vir pleegkinders** gereël met die tema *Moeg gewurm*. Die tema het gehandel oor: Wil jy altyd 'n wurm bly, of gaan jy streef om die beste uit die lewe te kry! **Dr Sanrie de Beer** was verantwoordelik vir die bewuswordingsessies en het die tieners toegerus met die vyf boustene van geloof. Een van die hoogtepunte was die tieners se kennismaking met die perde en om te leer hoe om 'n perd op en af te saal. Watter belewenis om die vrees vir die onbekende te sien verander in ongeloof toe hulle die kuns kon bemeester! Teen die einde van die week kon elke kind reeds met die perd galop in die veld. Watter wonderlike ervaring om te sien hoe hierdie *terapeute*, genaamd Generaal, Kaptein, Camelot, ensovoorts, ons tieners se selfvertroue kon laat styg! Ander aktiwiteite het ingesluit 'n nagmars wat gemik was op die bewusmaking van sintuie, stilte en sterre om die wonder van God te beklemtoon; drombal in die arenas; boeresport; lanternbekruip; verfbal, kettieskiet; swem; kleilat gooi. Die maatskaplike werkers het die tieners volgens ouderdom en geslag in groepe betrek, en daar is gefokus op die strewende om die beste uit die lewe te kry. Vrydag was dit vir almal hartseer toe hulle die perde en Mooikrans se personeel moes groet voor die terugkeer na elkeen se eie omstandighede. Die kinders het *moeg gewurm* op die kamp gekom, maar het ontpop in pragtige skoelappers wat besef het hulle kan met die selfvertroue wat hulle ontwikkel het veel meer in hul lewens bereik. Hul tranes van dankbaarheid het ons net weer laat besef dat niks by God onmoontlik is nie. **Die Raad se personeel sê baie dankie aan al die donateurs wat hierdie kamp moontlik gemaak het en 'n verskil in die lewens van soveel kinders meebring het.**



### Transoranje-skool vir Dowes

- **PROJEK SONSKYN.** Transoranje-skool vir Dowes het 'n dowe dogter wat nuwe **gehoorapparate** benodig. Sy ly ook aan 'n ernstige hartdefek. Donasies is reeds ontvang, maar daar kort nog 'n bedrag van R3 420 om haar te help. Donasies kan gestuur word aan die Transoranje Instituut, Posbus 2921, Pretoria 0001, of gedeponeer word in die volgende rekening: **Transoranje Instituut; ABSA; rekening nommer 020 840 145; kode 323 145; verwysing: Gehoorapparaat.** Die doel van Projek Sonskyn is om behoeftige kinders met 'n gestremdheid 'n gelyke kans te bied.
  - **VAKANTE POSTE**
    - o 1 pos: **Multimedia-assistent.** 1-jaar-kontrak. Kennis en ervaring van biblioteekwerk noodsaaklik, rekenaarvaardig en Afrikaans/Engels magtig
    - o 2 poste: **Multimedia-hulpassistente.** 6-maande-kontrak. Kennis en ervaring van biblioteekwerk en/of geskiedkundige navorsing noodsaaklik. Rekenaarvaardig en Afrikaans/Engels magtig.
- Stuur CV voor **15 Oktober 2012** na [transoranje3@gmail.com](mailto:transoranje3@gmail.com), faks 086 665



4777, aflewering per hand Kerkstraat-Wes 855. Navrae: Die Hoof 012 386 6072.  
**Aanstellingsdatum 1 November 2012.**

- **TRANSORANJE CHARITY RUN**  
**14 Oktober van 08:00 tot laat**  
Alle motorfietsryers, motorfietsklubs en die publiek genooi  
Vlooiemark en vele meer  
Uitstallers bespreek stalletjie by Alta by 074 431 4775  
Bring 'n nie-bederfbare produk saam en wys jy gee om vir die kind met doofheid  
**09:00 kerkdiens**
- **KERSMARK**  
**23 November tot 2 Desember**  
Tshwane Events Centre, Saal L, ingang hek P8 in Kerkstraat  
Gratis toegang, kaartfasiliteite, 300 uitstallers, teetuin  
Fondse ten bate van die kind met doofheid

### **Beeld-Kinderfonds 2012**

- **KOMPETISIE**  
Kaartjies vir die kompetisie om fondse vir die versorging van kinders in te samel, kos **R25** elk, waarvan R12,50 aan elke deelnemende welsynsorganisasie terugbetaal word. Wen 'n motor, 'n seereis, 'n vakansie of kontantpryse. Kaartjies is beskikbaar by **die Ondersteuningsraad** se kantore asook by hul hoofkantoor en die Sinodale Kerkkantoor in Pretoria. Kontak Ansie Cromhout of Susan Moore by 012 322 8885.
- **KERSKONSERT**  
**Woensdag 28 November**  
Moreletapark-gemeente  
Juanita du Plessis, Manie Jackson, Joe Niemand, Nadine en ander  
Bespreek by **iTickets.co.za** of per telefoon by 086 100 0291

### **Advertensies in die e-Hervormer**

**Advertensies waarvan 'n private individu of instansie die begunstigde is, of waarin 'n gemeente 'n projek prominent wil bekendstel, kan in die e-Hervormer geplaas word.** Dit bestaan hoofsaaklik uit **teks van ongeveer 110 woorde** (u kan eenvoudige grafika of 'n foto voorsien), maar daar sal nie onderhandel word oor die uitleg daarvan nie. Indien 'n jpg-weergawe van die advertensie voorsien word, moet dit **verkieslik nie groter as 'n standaard besigheidskartjie** wees nie.

Die advertensie moet saam met die bewys van betaling gestuur word aan mev Tessa Oppermann, per faks na 086 633 4059, of per e-pos na **produksie@nhk.co.za**. **GEEN** advertensie sal geplaas word sonder dié bewys nie. Die **teks en bewys van betaling** moet mev Oppermann bereik teen 16:00 op die Dinsdag voor die betrokke uitgawe se verskyning. Die *e-Hervormer* word Woensdae saamgestel en verskyn elke Donderdag. Indien die plasing meer as een keer moet geskied, moet aangedui word op watter datums dit moet verskyn, met betaling vooruit vir al die beoogde plasings. **Die koste is R150 per plasing (BTW ingesluit).**

Die verskuldigde bedrag moet uitgemaak word aan die Raad van Finansies, ABSA tjekrekening nommer 020-000-287, takkode 632-005, **verwysing: u naam + e-Hervormer Ads**



Adverteerders moet asseblief daarvan kennis neem dat die **laaste uitgawe van die e-Hervormer vanjaar op Donderdag 29 November** verskyn, en die **eerste uitgawe van 2013 op Donderdag 17 Januarie**.

## 'n Nuwe Kerkjaarsiklus breek aan

Die November/Desember 2012-uitgawe van *Konteks* sal volgende week beskikbaar wees.

Hierdie is die uitgawe vir Advent en Kersfees, waarmee ook die nuwe Kerkjaar ingelui word. Ou rubrieke sluit af, en enkele nuwes begin. In die uithaalbylaag leer ons die gemeentes in die ring van Germiston ken.

\*\*\* Individuele eksemplare van hierdie uitgawe is beskikbaar teen R15 elk (posgeld uitgesluit). Kontak mev Susann van Zyl by 012 322 8885 x291 of [sentik@nhk.co.za](mailto:sentik@nhk.co.za). Besoek die webwerf [www.konteks.co.za](http://www.konteks.co.za) en kry elke keer 'n oorsig oor wat in die nuutste beskikbare uitgawe verskyn.



### kersboodskap

*Eer aan God in die hoogste hemel, en vrede op aarde vir die mense in wie Hy 'n welbehage het!*  
(Lukas 2: 14)

My pa het op 'n keer die opmerking gemaak dat, hoe ouer 'n mens word, hoe vinniger kom Kersfees elke jaar nader. Hoe wies is dié tog het! Dié voet stap hierdie jaar net verby gevestig het... nog 'n jaar waarin ons, in moede van soveel wondings, soveel uitdaginge, soveel verugings en hartseer, tog ook soveel genade kon beleef.

Dan kan 'n mens nie anders nie as om te beyl. Ons God is God en God. Aan Hom kom toe al die lof en al die eer en al die aanbidding van ons harte.

Aan elke vrouelidmaat wat, so silt en beskaie, van die wêreld waarin sy haar lewens 'n lewe gemaak het en in die lewens van die mense om haar 'n verki gemak het. Dankie! Dankie vir 'n sagte aansaking en 'n liefdevolle hart vol omgee en deernis.

Dankie aan elke NRSV-lid wat die geleentheid om dienbaar te wees, aangryp het. Dankie aan elke kerkraad – ordelike, ouderlinge en diakens – wat die NRSV ondersteun het in hul barmhartigheidswerk. In 'n ongenadebare wêreld bring sulke onbaatsorgige diens weer HOOP!

Die Kersfees het nog altyd vir my 'n besondere betekenis gehad. Ek kon en durf ek in my geesteswêreld nie hêrens op die loop velde buite Bethlehem sien (volgens Luk 2) en saam met hulle verskeide wese oor die meesle engel wat God se lof bring. Eer aan God in die hoogste hemel, en vrede op aarde vir die mense in wie Hy 'n welbehage het!

Mag u in hierdie Kerstyd saam met die engel jubel, en mag u God se genade in onskuld beleef – nou, oor die Kerstyd, maar ook elke dag van 2013!

Tessa Coetzer  
NRSV-voorsitter